



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thomæ A Kempis Canonici Regularis Ord. S. Augustini De Imitatione Christi Libri Quatuor

Thomas <von Kempen>

Coloniæ, 1723

II. De humili sentire sui ipsius.

[urn:nbn:de:hbz:466:1-45773](https://nbn-resolving.org/urn:nbn:de:hbz:466:1-45773)

Nam sequentes suam sensualitatem, maculant conscientiam, & perdunt Dei gratiam.

C A P U T II.

De humili sentire sui ipsius.

OMNIS homo naturaliter scire desiderat; sed scientia sine timore Dei, quid importat?

Melior est profectò humilis rusticus, qui Deo servit; quàm superbus Philosophus, qui se neglecto, cursum cæli considerat.

Qui benè seipsum cognoscit, sibi ipsi vilescit, nec laudibus delectatur humanis.

Si scirem omnia quæ in mundo sunt, & non essem in charitate: quid me juvaret coram Deo, qui me iudicaturus est ex factò?

2. Quiesce à nimio sciendi desiderio; quia magna ibi invenitur distractio, & deceptio.

Scientes libenter volunt videri, & sapientes dici.

Muls

Multa sunt, quæ scire, parum vel nihil animæ profunt.

Et valde insipiens est, qui aliquibus intendit, quàm his, quæ salutis suæ deserviunt.

Multa verba non satiant animam; sed bona vita refrigerat mentem; & pura conscientia magnam ad Deum præstat confidentiam.

3. Quantò plus & meliùs scis, tantò gravius inde judicaberis, nisi sanctius vixeris.

Noli ergo extolli de ulla arte vel scientia: sed potiùs time de data tibi notitia.

Si tibi videtur, quòd multa scis, & satis benè intelligis: scito tamen, quia sunt multò plura, quæ nescis.

Noli alium sapere, sed ignorantiam tuam magis fatere.

Quid te vis alicui præferre, cum plures doctiores te inveniantur, & magis in lege periti?

Si vis utiliter aliquid scire, & discere: ama nesciri, & pro nihilo reputari.

4. Hæc est altissima & utilissima lectio, sui ipsius vera cognitio & despectio.

De seipso nihil tenere, & de aliis semper benè & altè sentire, magna sapientia est & alta perfectio.

Si videres alium apertè peccare, vel aliqua gravia perpetrare, non deberes te tamen meliorem æstimare: quia nescis, quamdiu possis in bono statu permanere.

Omnes fragiles sumus; sed tu neminem frágiliorem teipso tenebis.

C A P U T III.

De doctrina veritatis.

1. **F**elix, quem veritas per se docet, non per figuras & voces transeuntes, sed sicuti se habet.

Nostra opinio, & noster sensus, sæpè nos fallit, & modicum videt.

Quid prodest magna cavillatio
de